

奏

署理福州將軍印務海關監督郎中_{奴才}準恭謹

奏爲奏

聞事竊照臺灣一郡孤懸海表民番雜處雍正十年
間淡水同知張弘章擾累番人起釁以致北路
亮番叛逆拒敵南路奸民乘機竊發在事文武
仰仗

天威南路奸匪計日奏功北路逆番旋亦平復_{奴才}
荷蒙

聖恩署理將軍印務凡有自臺來省人員留心訪詢
皆云自此勦擒之後海外番黎無不凜畏

天威而臺地文武官員經此一番舉動亦俱勉力和

表加意撫恤番人不至擾累感戴



皇仁傾心向化本年十月初九日准署總督臣阿爾
賽咨會臺灣各社土番頌頌

皇恩茲有通事外委千總張達京等率領土番慶福
等二十二名渡海赴省叩祝

皇上聖壽無疆現在委員加意照管安頓並給以口
糧贍養等情知會前來茲十月內適遇駐防旗

營官兵例應合操之期奴才接署印務將及三
年凜遵

聖訓一切操演查照將軍阿爾賽等歷任成規加意
實力訓練未敢稍有怠忽凡軍容陣式鎗砲火
攻各項技藝皆屬習練整備奴才因思海外土
番從未往來內地於會閱操演之日派員傳帶

該番等前赴教場俾得瞻睹內地兵威之盛並
宣揚

天恩聖德似與教化番人或有裨益奴才因與將軍

署理總督印務臣阿爾賽商酌隨於十月二十
四日同督撫會閱旗兵大操之日經署督臣阿

爾賽撫臣趙國麟派委地方官員帶領番人至



教場令其在旁觀看指示規矩操畢賞以茶飯
署督臣阿爾賽等宣布

皇仁曉諭大義各番無不感激叩首凜畏兵威奴才

伏思海外各社番黎不辭跋涉遠渡重洋叩祝

聖壽皆緣前次勦撫得宜使野性之番既畏

天威更感

皇仁今又得見內地之衣冠儀制政教兵威看其情

形懷

德畏威出於誠實回社之後轉相傳布自無不輸誠

向化矣所有臺番遠赴內地情由奴才理合繕

摺謹具

奏

聞

硃批原摺一件另封恭

繳

覽豈可川月奇之景而必定其永、輸誠內地也德在
內外兩地文武接取得信實心任事便不輸誠內任何礙
之有但探本莫通末似此等誠見扁懷、輩但屬直川
盡職守不如下唇是也

國立故宮博物院
NATIONAL PALACE MUSEUM






1260

雍正十二年十月

二十五

日



國立故宮博物院
NATIONAL PALACE MUSEUM

